



INSTRVCTION
En la Science
DE
PERSPECTIVE.

PAR
HENRY HONDIUS.

En la Haye 1625.

PREFACE.



My Lecteur, j'ay voulu en ce petit ouvrage représenter & mettre au devant ceste science *Perspective*, aussi court & clair qu'il m'a esté possible de faire, si que ie ne doute que le Rechercheur la pourra bien comprendre de sa description & des figures qui y sont, car la description avec les caracteres designatoires qui y sont mises au dedans, & se rapportans aux figures, sont comme si elles le monstroyent au doigt, & par ainsi il n'y faut avoir aucun scrupule pour mettre le desir de ceste science tant delectable de la *Perspective* en besoigne; car icelle est necessaire, utile & profitable pour toutes personnes de quelles conditions qu'elles soient, d'autant que ceste science apprend à juger fort accortement quasi de tout ce que l'œil void, & sur tout fort necessaire à ceux qui taschent d'avancer en la science de pourtraire; ceux-là peuvent facilement tesmoigner, combien il leur importe de sçavoir & entendre ceste science de la *Perspective*, sans la notice de laquelle l'art de pourtraire est du tout incertaine & mal seure, & partant il faut sçavoir ceste-cy, comme vn fondement d'icelle, mon intention n'est nullement d'ennuyer ceux qui s'en delecterent avec beaucoup de speculations subtiles, car ceux qui y prennent plaisir, pourront esplucher *Euclides*, *Guido Ubaldis*, comme aussi *Jacques Barozzi de Vignole*, & *Samuel Marolois*, (l'œuvre duquel j'ay taillé moy mesme, & mis en lumiere) mais tout à plein de les mener à la *Theorie*, laquelle leur servira en ce cas à la *Pratique*.

Venant donc à mon œuvre que j'ay mis en avant, il faut entendre premiere-ment ce que c'est à dire *Perspective*, de laquelle le tres-sçavant *Euclide* traite fort subtilement, c'est (comme le fameux Architecte *Vitruve* dit) le mesme qu'on nomme *Scenographie*, c'est à dire, Levation de quelques Edifices ou corps, & en son total ce que l'œil void, de r'apporter cela par regles fondamentales en son r'accourcissement, comme cela se represente devant la veüe de l'œil, soit grand ou petit, de loing ou de prez, comme on aura pris la mire, & est posé en l'operation ainsi comme le poinct d'un œil, pendrant de la veüe à travers, lequel poinct d'œil est mis sur l'orison, où la mire aboutissant (comme *Stevin* le nomme) la distance se prend sur vn triangle equilateral au plus court, mais le mettant plus mez on perdrait la veüe des costez, mais il se met plus loing comme les figures cy devant le monstrent.

Et comme j'ay trouvé que les Amateurs de ceste noble science, sont souvent bien empeschez de nommer les propres mots de ce que ceste matiere requiere, j'ay trouvé bon d'en faire vne figure d'iceux, & de la renger au front de cest œuvre; car quand ie parle de la circonference, diametre, superficie &c. comme aussi des colonnes & quelques ornemens d'icelles, & que l'on m'y entendroit, tel qui en auroit bonne envie de l'apprendre s'en reculeroit aussi tost, & par ainsi ceste figure y est necessaire, & puis apres pour parvenir iusques à la science mesme, commençant à l'extremité le plus considerable, c'est vn pointelet (de laquelle la

Geometrie prend leur commencement) passant plus outre iusques au quarré, & puis à vn fond du quarré, fort propre à fabricquer, marchant plus en avant à quelques autres superficies des fonds tant ronds, qu'ouuales, & poinctues, on y vient iusques au corps, & premierement d'un cube, & puis à des chambres de veüe intérieure, des huys & portes, lesquelles s'ouvrent, & comme il faut eriger les pylastres, afin de monter par ordre, & en apres la façon de faire des piliers, lesquels i'enseigne en diverses manieres, pource que ceste science exprime tres-excellement par les fabriques transparentes, puis apres quelques figures pour entendre la maniere de faire des arcs du devant comme des costez, & des voutes croisées, de degrez en biaiz, de limaçons, comme encor d'autres observations servans à l'art de peinture, aussi vn fond avec la mesure du pied, y adiousté, de ce nouveau Iardinet du Tres-Illustre Prince d'Orange à la Haye, où qu'il y a aussi la Scenographie, comme de mesme l'Ortographie, passant plus avant aux pieces qui se remuent, comme tables, bancqs, escabelles, sapiers, dresseirs, pressoirs, lits &c. Je viens à l'enseignement des paysages, car il s'y commit en cecy plusieurs fautes, singulierement quand en icelles il y viennent quelques structures & bastimens, lesquelles se tiennent destournées du poinct de l'œil, pourtant i'ay mis icy ceste figure quarante-deuxiesme, quād on entendra icelle l'erreur se trouvera remedié, & pour la fin il y sont adjoustées quelques figures où que le fond Geometrique demeure sans le r'accourcir, & la veüe à l'opposite y est annexe hors du fond comme representant l'ortographie, demeurant la circonference en son entier, ce qui sera fort serviable à des fortifications, & pour les quartiers d'un Camp, aux Redoutes, Trenchées &c. afin de les représenter, où que se void mieux le fond que le relevement. I'ay vn peu ombragé ces figures afin de n'obscurcir par trop les lignes enseignantes, quelques figures y sont aussi à clair jour & à descouvert, & les faiēt encor vne-fois avec des ombrages, afin de mettre en avant l'ouvrage aussi nud comme il m'estoit possible, les lignes pointillées monstrēt l'invention de figures; & i'ay faiēt l'enseignement des lignes voilées d'avantage & plus expres que i'en ay faiēt la mention dans la description, car icelles donnent beaucoup d'ouverture à l'art, & s'entendent par les figures precedentes, où qu'il y en a desia faiēte vne declaration, & d'autant qu'il me faut encor quelques raisons d'avantage aupres quelque figures. Je finiray ceste preface, renvoyant l'Amateur de l'Art à l'ouvrage mesme, qui luy est mis devant les yeux, lequel ayant bien compris la premiere figure, avant qu'il viendra à la seconde & aux suivantes, ce que le fera avancer à son grand avantage en ceste science, il trouvera alors que mon labeur luy sera agreable.

A Dieu.

Henr: Hondius.



DEvant que de commencer la science Perspective, il faut entendre que l'extreme qu'on y peut penser, c'est vn poinct ou pointillet, lequel ne se peut diviser, ou mettre en parties, parce qu'il n'a ny longueur ny largeur; & d'autant que la Perspective est vne partie de la Geometrie, laquelle prend aussi son commencement & origine d'un poinct, par ainsi la science Perspective prendra aussi son commencement de cest extreme poinct, & ce d'autant plus, parce que les fonds interieurs de la Perspective, aussi bien comme les Corps, il les faut tous assigner & trouver des poincts mesmes. Mesmement le commencement, comme aussi tous edifices ou fabricques mises en Perspective, il ne faut point que le Maistre ou Inventeur y soit contrainct à certain lieu (comme quelques vns ont mis leur fondement là dessus en ceste science) mais il faut que l'ouvrage soit agence selon la volonté du Maistre, c'est à dire qu'on face vn ouvrage de la veüe hault ou bas, & la longueur ou distance ainsi comme on la desire de veoir &c.

Description de la premiere figure.

POur entendre tant mieux ce qu'a esté allegé cy dessus, on vous a représenté icy le poinct a, lequel on desire de veoir de la hauteur comme la ligne b,c, & de la longueur ou distance comme la ligne d,e, pour mettre ce poinct en Perspective sur le fond, il est besoing que premierement on tire le plus bas pied, ou la ligne base, & puis après la ligne orizontale, paralelle avecques la base, sur la longueur de la ligne b, c, sur lequel orisont il faudra poser le poinct de l'œil icy marqué par h. le poinct qu'on voudra mettre en Perspective sur le fond est marqué par a, (comme est dit) & se considere ioincte tenant debout, par ainsi faudra tirer vne ligne du poinct a, iusques à la base marqué icy par des pointillets b, sur lequel poinct b s'estant pose vne poincte du cercle, & l'autre ouverte iusques au poinct a, & tournant vers la base icy f, & la distance posée sur l'orisont depuis le poinct de l'œil h, iusques à la laistre i, & depuis f tirée iusques au poinct de la distance i, & de b iusques à la laistre a, ou que la ligne b,a, & f,i, s'entrecoupent estât marqué icy g, c'est iustement le poinct a, qui se donne en Perspective suivant la hauteur & longueur donnée.

Description de la deuxiesme figure.

Sivant le poinct precedent, il se represente icy en ceste deuxiesme figure, comment on portera en perspective vn quarré, ou fond quarré plani, consistant ceste ignographie en quatre poincts marqués par a,b,c,d, de la hauteur e,f, & de la distance g,h, estant premierement la base tirée, & vne ligne orizontale paralelle avec la base, sur la hauteur de la ligne e,f, si mettra-on la superficie quarrée sur la ligne base, & le poinct de l'œil posé sur l'orisont icy marqué par i, le poinct de la distance k, si que depuis i,k, est la longueur ou distance donnée

g, h, si mectra-on du cercle la premiere poincte sur a, & hors le poinct d, tournant vers la base l, & de a, b, deux lignes sur le poinct de l'œil i, & de l, a, sur le poinct de la distance k, où que les lignes a, b, iusques à la laistre i, & de l, a, iusques à la laistre k s'entrecourent, marquées icy par m, n, cecy sont les deux poincts de c, d, & vostre quarré en Perspective sera a, b, m, n. ceste maniere à trouver des poincts est sur tout necessaire d'estre bien entendu, puis que d'icelle depend le fondement de ceste science.

Description de la troisieme figure.

S Vivant le quarré precedent, on vous monstre icy vn fond de sept quadres sur la base, & dans la hauteur aussi sept autres selon la Perspective, estant de la mesme precedente haulteur & distance, & selon le precedent r'accourcissement, icy est la quadrature de la base mise en bas, car c'est vne pareille chose de la precedete, & par ainsi ceste quadrature ou quadre est marqué des laistres a, b, c, d, la haulteur e, f, & la distance g, h, ceste seule quadrature mise en Perspective, comme cy devant a esté allegué en la seconde figure icy a, b, m, n, mettez y sur la base des parties pareilles comme a, b, icy o, p, q, & l, v, s, & tirez les poincts de f, r, l, a, b, o, p, q, sur le poinct de l'œil i, & du poinct f, sur le poinct de la distance k, & de q, sur l'autre costé, estans tirez deux diagones, couppant à travers les lignez de l'œil, lesquelles couppures de travers assigneront les lignes paralelles, desquelles la premiere de v, t, & les suivantes de 1, 2, 3, 4, 5, & c. sont marquées, en ces trois figures precedentes sont posées iouxte à chascune figure les lignes de la hauteur & distance, lesquelles nous obmettrons presentement avec tel regard, que l'on pourra considerer la hauteur de l'orison iusques à la base, par la hauteur donnée, & le poinct posé sur l'orison du costé du poinct de l'œil, par le moyen du poinct de la distance.

Description de la quatrieme figure.

D Ans laquelle est mise vn triangle equilateral marqué par c, d, e, sur la hauteur de b, m, & la distance a, b, dependante de la base vers la bas, desquels les poincts de d, e, tirez perpendiculairement devers la ligne base en haut icy n, m, & puis en oultre les mesmes poincts avec le poinct estans tirez c, sur le poinct de l'œil a, le cercle posé sur le poinct n, & ouvert sur e, & puis tournant devers la base sur l, & de m, d, iusqu'à la base k, & les poincts de k, l, tire sur la distance, ou que les lignez de l, b, avec k, b, & m, a, & n, a, s'entrecourent les vnes les autres, icy e, d, & le poinct c, d, e, estans tirez ensemble, y trouverez donné la circonférence du triangle en la Perspective.

Il faut entendre que toutes les lignes lesquelles on tirera en dessus contre la base, comme d, m, & e, n, sera besoing d'estre tirées sur le poinct de l'œil, & les lignes lesquelles on mettra avec le cercle contre la base, il faut qu'elles soyent tirées sur le poinct de la distance, & cecy est vne regle generale, selon l'operation & fort aisément à entendre, & d'une ferme usance en ceste science.

Aupres

Auprès ce triangle, il y est adjoinct avec le poinct f, vn quarré contre la ligne base, les poincts de laquelle g, h, i, avec le perpendiculaire contre la base, & ainsi en oultre estans tirez de f, p, q, sur le poinct de l'œil, & le cercle posé sur le poinct p, ouvert iusques à i, & tournant iusques à la laistre f. Semblablement depuis f, h, iusques au poinct o, & de q, g, iusqu' o, & les poincts o, f, sur le poinct de la distance b, où que la ligne de l'œil & distance s'entre-couppent g, h, i, marquez & tirez iusques là, ainsi est la quarré fermé & serré, & gist sur le fond en perspective, suivant la precedente hauteur & distance.

Suivant ceste quarrure, il se monstre cy dessoubz vn fond des quarrures, avec la boutissement des poincts de la ligne base dans le fond, la quarrure marquée de c, d, e, f, suivant la distance de a, b, & de la hauteur de la base iusques à l'orison où a, c, est mis en fond dans perspective marqué de mesmes laistres, ayant chascun poinct sa propre laistre, & ainsi qu'à l'advenant ce petit fond, la quarrure serois aussi grande, elle est entrecoupée, afin que le fond y fut mis tant plus gentiment, ce fond viendra bien à propos pour plusieurs representations, soit pour quelques parties abontissantes de pierres, bancqs, escabeaux, croix, & diverses autres choses à les tirer hors du fond & les eriger, tout cecy se pourra trouver & procurer par ce moyen fort aisément.

Description de la cinquieme figure.

IL est necessaire de sçavoir divers fonds & distances, pourtant est icy mis en avant vn fond servant à vn pavé, avec des quadres & environné des fascies ou lombbris, retenant seize quadres, comme lad' joincte ignographie le monstre, marquée de a, b, & le demy fond c, d. L'orison & le poinct de l'œil estant noté avec le poinct de la distance sur iceluy marqué f. Les poincts des quadres & fascies estans tirez de la base sur le poinct de l'œil, & du poinct de la distance f, iusques a, c'est de b, iusques h, où que ces lignes de distance entrecouppent les lignes de l'œil, se represente la susdite Ignographie en perspective, marquée avec a, b, c, d.

Cy dessoubz ceste figure est fait vn Oval en fonds plani geometrique, lequel fonds ou Ignographie est distribué ou divisé en seize parties egales, marquées avec a, b, c, d, e, f, g, h, i, k, l, m, n, o, p, q, desquelz poincts les perpendiculaires tirées contre la ligne base, & icelle en oultre sur le poinct de l'œil i, & puis estant posé le cercle l'une poinct sur a, & estendu iusques à la ligne base, & illec tenant ferme l'autre poincte, tournant le cercle du poinct a, iusques à la base marquée a, & derechef la poincte du cercle posée sur la ligne b, & le cercle estendu & hors du poinct b, tournant iusques à la base marquée b, & ainsi tous les autres poincts marquez contre la base, chaque poinct avec pareille laistre de l'ignographie; & puis les mesmes poincts tirez de la base iusques au poinct de distance marquée de la laistre s, où que ces diagonales entrecouppent la ligne de l'œil, se trouveront les poincts de l'Oval en la Scenographie ou perspective, & chaque poinct de l'ignographie demonstre dans la scenographie avec pareille laistre, comme ceste figure le demonstre.

Descrip-

Description de la sixiesme figure.

EN laquelle se demonstre comment on fera vn rond parfaict en Perspective sur deux manieres; le premier rond est l'Ignographie, ou le plein fond, divisé en seize parties esgales, commençant de la base en dessoubz, marqué sur le demy cercle des laistres e, f, g, h, i, k, l, m, n, &c. Ces parties autant plus qu'il y en aura, ce sera tant mieux, moyennant qu'ilz soient pair ou esgales, tous ces poinçts tirez perpendiculairement vers la base, & en oultre sur le poinçt de l'œil, l'orison estant en parallele avec la base de telle hauteur & distance comme on la desire, & deux diagones des poinçts y tirez iusques à la distance-s. Les diagones de r, v, x, monstrent toutes les lignes avec entrecouplement de la ligne d'œil, du rond entier, & chasque poinçt en la Perspective est marqué de semblable laistre de l'Ignographie; les poinçts de laquelle estans tirez ensemble, vne main ferme pourra aisément produire vn rond.

Dans ce rond on pourra facilement faire vn bord sur pareille operation; ceste figure servira fort bien à plusieurs choses; combien que i'enseigne ceste figure ou invention sur vn autre maniere qu'elle a esté enseignée en la premiere figure de l'Invention du poinçt, c'est pourquoy il sera bien faict que l'on s'accoustume à diverses façons, quand elles sont bonnes & qu'elles s'accordent avec le precedent, autrement selon mon advis, il n'y a meilleure ny plus correcte invention que la precedente; & partant la laissant ainsi, nous dresserons nos inventions d'oresnavant sur les precedens premiers fonds.

Le second rond est divisée en douze esgales parties, & es poinçts d'icelles de 1.2.3.4.5.6.7.8.9.10.11.12. tirez perpendiculairement contre la base, & le cercle posé sur le poinçt c, & ouvert iusques au nombre 3; & puis tournant du poinçt 3, iusques à la ligne base, aussi marqué de 3, & ainsi en avat comme il a esté enseigné cy devant en la figure de l'Oval de chasque poinçt contre la base posé avec le cercle, lesquelles lignes perpendiculaires tirées sur la ligne de l'œil a, & les poinçts trouvez du cercle, tirez vers le poinçt de la distance, où que les diagones couppent au dessus les lignes de l'œil, là se trouvent tous les poinçts demonstrez en la Scenographie, chasque poinçt avec pareille laistre de 1, 2, 3, &c. comme icelles sont marquées dans ladite Ignographie.

Description de la septiesme figure.

EN laquelle se demonstre vn pentagone, l'Ignographie marquée des chiffres, 1, 2, 3, 4, 5, ayant vn poinçt contre la ligne base, & l'orison paralel avec la base, & le poinçt de l'œil 2; & le poinçt de la distance marqué b, les poinçts de 2, 3, 4, 5, tirez au dessus contre la base perpendiculaire, icy marqué le poinçt 2. iusques à la laistre c, le poinçt 3. iusques à la laistre d, le poinçt 4. iusques à la laistre e, & le poinçt 5. iusques à la laistre f, lesquels points tirez sur la base de c, d, e, f, sus le poinçt de l'œil a, estant debout au devant, le cercle posé d'un pied sur le poinçt c, & ouvert iusques à 2, tourné à l'entour iusques à la laistre g, & depuis d, le cercle ouvert iusques à 3, & le toirnant iusques h, pareillement e, 4. iusques à i,

7

à i, & de f. 5. iusques k, & les poinçts sur la base de g. h. i. k. tirez au dessus du poinçt de distance b, où que ces diagones entrecouppent les lignes de l'œil, icy 2.3.4.5. iusques à i, les mesmes poinçts serrez, se trouuera la Scenographie du Pentagone, & cela tousiours selon telle hauteur & distance comme on la desire. Pour mieux cōprendre & entendre la posture du prospect, & cōment les figures se changent quand on les regarde, soit de devant, ou de costé, ce present pentagone est icy mis & posé sur la mesme hauteur & distance, tant seulement le prospect du poinçt de l'œil sur l'un costé du pentagone, & les mesmes precedents poinçts estans mis sur la base, lesdits poinçts tirez depuis la base iusques au poinçt de l'œil & de la distance, cōme il est demonstré en la precedente, on y trouuera la circonference du pentagone en vne autre forme, car quelq; lignes se recourcissēt ou amoindrissēt, & autres se prolongent, lors il faut observer que toutes les lignes estans paralleles avec la base dans l'ignographie, comme la ligne icy de 3.4. que icelle demeure aussi, dans la Scenographie parallele avec la base & l'orison, en quelque sorte que l'on tourne la veüe, & l'on se doit bien asseurer si icelles autrement se representēt dās la figure, que l'on s'est esguré quelq; part, & que l'on n'a point biē prins garde sur l'aboutissēmēt des poinçts, telles & semblables observatiōs il y en a plusieurs en la perspective, lesquelles serviront d'estre retenues en memoire, cōbien qu'elles soiēt petites, si sont elles pourtant de grād poids en l'usage & bien profitables.

Description de la huitiesme figure.

EN laquelle se demonstre vn hexagone marqué de a. b. c. d. e. f. la hauteur depuis l'orison prise iusques à la base sur six pieds, selon la hauteur d'une figure, & la distance sur douze pieds, lesdits poinçts perpendiculairement tirez contre la base, & hors icelle avec le cercle tournant, les poinçts faiçt diagones, comme en la precedente septiesme figure a esté demonstré, & les lignes du point de l'œil h, tirez de a. b. f. comme de mesme les lignes diagonales depuis la base iusques au poinçt de la distance g. se trouveront les poinçts dans la Scenographie b. c. d. e. f. lesquels estans serrez iusques à a. sera trouvé la circonference du hexagone dans sa naifue perspective.

Description de la neufiesme figure.

EN laquelle est demōstré vn hexagone avec vn bord marquée par a. b. c. d. e. f. & le bord avec g. h. i. k. l. m. la hauteur de six pieds, & la distance icy de 9. p. le poinçt de l'œil n. & le poinçt de la distance o. les poinçts tirez contre la base, cōme es precedentes figures il est monstre, & puis en outre iusques au poinçt de l'œil n, & des diagones tirez iusques au poinçt de distance o, se trouveront par l'entrecouppement des diagones dessus les lignes du poinçt de l'œil, les poinçts de l'exagone, lesquels poinçts sont esté representez dans la scenographie icy avec pareilles laistres de l'ignographie.

Description de la dixiesme figure.

EN laquelle sont mis deux quarrez, les poinçts s'abontissans l'un sur l'autre, le premier quarré ayant sa poinçte contre la base marqué a. b. c. d. l'autre quarré est avec vn costé pararelle avec la base marqué e. f. g. h. la hauteur & le poinçt de l'œil i, & la distance de i. iusques k, les poinçts b. c. d. & e. h. tirez perpendi-

pendiculairement contre la base, & ainsi en avant iusques au point de l'œil i, & le cercle avec vne pointe mis sur l, ouvert iusques g, & puis tournant iusques à la base p, & ainsi fait plus avant de o.d. iusques q. &c comme a esté enseigné cy devant, si trouverez par l'entrecouplement des diagones, & des lignes de l'œil tous les points dans la Scenographie comme il a esté marqué & démontré dans l'Ignographie, ayant chaque point dans la Scenographie sa propre laistre, montrée de l'Ignographie.

Description de l'onsiesme figure.

EN laquelle se représente vn Octogone marquée par 1.2.3.4.5.6.7.8. ayant vn costé de l'Octogone contre la base, la hauteur & le point de l'œil, & la distance depuis i. iusques k. ayant esté faite avec chaque point de l'Ignographie comme a esté enseigné dans la figure precedente, on y trouvera la Scenographie marquée icy avec semblables laistres, mais qu'il falloit que ceste figure fust mise plus bas, vous laistres couler l'orison si bas comme on le desirera, tenant icy i. k. la base comme cy devant, vous y trouverez le Octogone marqué avec a. b. c. d. e. f. g. h. & par ceste figure icy on pourra faire vn couvercle sur vn vase ou tonneau, s'ouvrant d'un costé, & demeurant ferme sur la base, quand on retiendra le plus bas horison, mais si vous retiendrez l'orison du dessus, si trouvera le couvercle avec le costé derrier de la plante vers le bas, par laquelle leçon seroient tirez plusieurs belles speculations; mais d'autant que ie veux prendre esgard tant seulement sur le plus profitable; le viendray maintenant sur les corps.

Description de la douziesme figure.

EN laquelle sont représenté trois cubus ou corps quarez, estans debout du devant sur la ligne base, lequel fond est divisé en sept quadres, ayant chaque cubus sur le fond vn quarré, le fond est mis en perspective, comme il a esté démontré en la precedente troisieme figure; adoncques pour faire ce cubus, on fait premièrement vn droit quarré comme a. b. c. d. du devant sur la base, & de deux points e. f. deux perpendiculaires iusques g. h. & des points b. c. tiré sur le point de l'œil, où que les deux perpendiculaires g. h. sont entrecoupez, on y tire les quatre points de b. c. g. h. avec lesquels se ferme le costé supérieur du cubus, l'on peut faire le mesme du point de la distance, tirant hors le point c. vn diagoné, où que la ligne perpendiculaire est entrecouppée de e. g. icy démontré avec des pointilles, & y ferre tout & quant & quant le costé, & le dessus du cubus, le cubus marqué k. est debout plus droitement sous la veüe des yeux; partant on ne peut point tant recognoistre sur le costé, & il est fait sur le maniere precedente.

Le dernier cubus estant creux, le quarré l. m. n. o. dresse debout enhaut, de chaque point, & du point de l'œil tiré dessus le cubus devient ferré, chaque point

9
point avec ses propres laistres d'embas monstrez cy dessus, retenant le corps du cubus au devant l'espace p.q.r.s. enbas, comme pareillement en haut, ce que se peut aisément comprendre par les pointilles du point de l'œil v, & hors du point de la distance i. &c.

Description de la treisiesme figure.

EN laquelle est posée vne chambre se voyant interieurement, ayant le fond de sept parties en quarré selon le raccourcissement de la troisieme figure, ayant d'un & d'autre costé vne muraille, de l'espaisseur d'une quarte part d'un quarré, ce que se prouvera sur la ligne base; la ligne b. enseigne le point de la distance, & a. est le point de l'œil, en l'un costé de la muraille est faite vne porte, retenant trois quarez en la largeur hord du fond marqué s.t.v.x. hors desquels quatre points de t.x. & s.v. tirée vne ligne croisée, on y demonstre le droit milieu hors du point où que les lignes sont taillées à travers, sans se servir du fonds, comme sur l'autre costé de la muraille se prouve, car de f.h. & de g.i. estant tire vne ligne, & hors du point k. estant fait vn perpendiculaire au fond, iusques au point l. il y a f.l. & de l.i. autant d'espace, retenant chascun trois parties hors du fond, & cecy est vne ferme preuve, par ceste maniere l'on pourra faire des repartitions avec peu de peine, soit du devant, ou du costé, d'en haut, ou d'embas, puis aussi il y a icy encor vn passage fait droitement du devant, sur la hauteur & largeur comme celui du costé, marqué de e.d.x.z. la hauteur se trouve par la ligne t.v. laquelle se prolonge iusques c. & de c. iusques y. Cy dessus sont encor faits cinq trefs ou poutres, pour soustenir l'estage sappuyant sur la muraille, sur la ligne q.r. est marquée la largeur d'icelle, & si en avant hors le point de l'œil, vers le dessus de p.b. & r.a. hors les points de o.p. & q.r. est prise la hauteur des liaisons, l'estage est distribué avec des lignes pointillées en croisade, à sçavoir en trois parties, pour monstre & enseigner les planches, comme depuis p. A. & r. B. l'entrecouppement C. en est la moytie ou bien le milieu de l'estage; pareillement sur la ligne c. & au dessous d'icelle il y a vne ligne croisée, laquelle est tirée hors les coings ou angles, par où se monstre la repartition de trois parties.

Description de la quatorzieme figure.

EN laquelle se represente vne chambre interieurement regardée avec trois huis, à chascun costé vn huis, & vn droitement du devant; l'ouverture des huis comprend trois quarez dans le fond, par ainsi la fermure ou bien la porte trois parties, & l'ouverture vers la muraille aussi trois parties semblables, comme la porte a.b.c.d. le monstre, ayant depuis a. iusques g. l'ouverture en trois parties, & depuis a. iusques e. trois parties, faisant ainsi l'ouverture vn demy cercle sur le fond icy monstre par pointillets; le mesme contenu de l'espace est pareil

B

au dessus

au dessus de la porte, l'aboutissement ou r'accourcissement selon la perspective, se trouve tirant hors le point a. iusques au demy cercle icy marqué par i. iusques h, & de k. hors le point b. sur le perpendiculaire h. vne ligne tirée, où que la ligne de i. h. s'entrecoupe de la ligne k. b. c'est le r'accourcissement du dessus, & la porte estant ainsi posée à cause qu'elle s'ouvre vers la base, où apres vous la porte seroit affusquée, si l'on vouldra veoir l'ouvert de la porte, on pourra en suivant ceste posture du point de l'œil ouvrir d'avantage; comme de l. m. le r'accourcissement se trouve de l. hors le point a. iusques à l'orison, & de m. hors le point b. vient sur l'orison sur le point n. & ainsi en avant, comme la ligne de a. b. r. q. vous monstrera vne droicte ouverture de la porte, tenant trois parts ou quarrez marquez sur le fond 1. 2. 3. & la porte marquée par a. b. e. s. est entierement ouverte vers la muraille; la porte de l'autre costé marquée de t. x. v. y. va de la base par derriere s'ouvrir, & est faicte de semblables parties hors du fond, & la porte du devant est marquée o. p. laquelle prend son r'accourcissement sur l'orison, est pareille en operation comme la porte t. x. d'autant qu'elle s'ouvre aussi par derriere de la base, le r'accourcissement se trouve aussi de mesme hors le fond, & quand on vouldra faire ouvrir ceste porte au devant vers la base, on n'a que de faire hors le fond des points 4. 5. 6. tant seulement vn demy cercle, ainsi comme il a esté monstré sur vn costé, & hors le point du penchant de la porte au dessouz contre le demy cercle, & ainsi en avant iusques à l'orison; & de mesme, depuis le point de la porte en hault, derechef hors ce mesme point tiré sur l'orison, on fera le mesmes portes du devant, comme on le desira de faire, au dessus ceste porte est posé vn rondeau percé à clair du jour, selon l'espaisseur de la muraille, comme icelle se void du costé de la porte, l'operation se demontre par les pointillets, & cecy se trouve de mesme hors du fond par le point de l'œil, en hault sous la voulte il y a des lignes croisées faictes par pointetelets, pour monstre les repartitions, dequoy vne main ferme pourroit faire vne voulte croisée, par la facture des portes precedentes aussi entendre, & comprendre à faire des fenestres à clair jour, comme on le desirera, & plusieurs autres choses necessaires & servans aux Peintres, & tous autres Practiciens de ceste science.

Description de la quinsiesme figure.

EN laquelle est faict le fond de la precedente quatorziesme figure, en ceste se represente la veüe de deux chambres à clair jour au dedans, selon l'art de perspective, ayans vne lambrissure ou estage entre le milieu, la lambrissure est faicte comme transparente, & se monstre par pointillets, & ce neantmoins du devant il y est mis vne liaison ou joncture marqué par a. sur les rond, avec la cercle nuds d'un costé & d'autre, & vn petit poultre debout, depuis la ligne base iusques au milieu, & puis en avant iusques au plus hault de l'estage, pour soutenir les angles de trois aix, qui sont jointes dans iceux, à sçavoir deux dans la chambre plus basse, & vn dans la chambre en hault, où qu'il y a quelques pieces gisantes,

tes, comme sur le plus bas vis vn poulpitre, sur le second quelques livres, sur le troisieme les flacons ou bouteilles; cest estage en hault est l'operation de la troisieme figure precedente, sur le fond du costé est faicte vn portique, sur la hauteur & largeur, comme la portique a esté faict au devant, marqué par f.g. lequel est tiré avec le cercle, comme cy apres on l'enseignera, pour en faire la rondeur, on y choisist la ligne plus basse de ce rond, icy par b.c. tire hors du point de l'œil, du point i, & derechef de d.e. hors du point h, de b.e. & c.d. vne ligne croisee, dequoy sera trouvé le milieu ou le centre, sur lequel estant dressée vne ligne, se sera trouvé iustement le milieu du portique, dequoy on pourra former vn demy ronde, hors ceste operation a esté faicte la ligne transparante en derriere, icy il y a vne escalade cachée ayant quatre degrez, y ayant esté mis les deux diagones B.C. en pareille distance l'une de l'autre, au dessus & au dessous, & ayant choisi la hauteur depuis le premier degre marquée D. dont le point est tiré sur l'œil, & depuis D. iusques E. la largeur du degre y estant, l'on tirera du point E. contre le diagone C, & ainsi en avant sur le point de l'œil, où qu'il y a le diagone D. entrecouppe, c'est la premiere monture ou degre du derriere, & ainsi ferez avec les autres degrez; de ceste maniere l'on pourra faire fort aisemēt les degrez cachez, & encor plus aisement hors du fond, sur la chambre en hault il y a vn pertuis rond, à l'advenant de la largeur de la porte embas, ce que se faict en mettant la largeur de trois quarez, depuis la base sur la ligne collaterale, là où que l'on veut avoir le pertuis, & icy demonstrée avec trois parties 1, 2, 3. Icelles tirées sur le point de l'œil que les perpendiculaires sont entrecoupées, illec trouverez vous le quarré, dans lequel il faut que ce rondeau vienne, de k.l. & de m.n. estant tiré vne ligne croisee, par l'entredecouppement se monstre le centre, par où vne main ferme pourra aisement former le rondeau, & c'est vne voye bien facile, mais si on le veut faire qu'il n'y aye rié à reprocher dessus, suivez l'ordre de la dixhuitiesme figure, combien que cecy quand à l'usage des peintures soit assez suffisamment, ces trois planches notez de o.p.q. sont posez en mesme longueur & largeur, sur le planchier o. l'on y void du dessus, d'autant qu'il est au dessous l'orison, sur le plancher p. l'on void d'embas encontre, comme encor plus hault encontre le plancher q. estant au dessus de l'orison; mais il peult advenir que le plancher se reposera sur l'orison, comme le plancher i, ce qui est rectangle, se tenant la partie encontre, du costé de la parois, prenāt du fond trois quarez & vn & demy quarré du devāt, en telle posture est le planche embas sur l'orison, comme il est icy noté, hors du fond, on a demonstré icy le moyen pour faire vn pertuis, ce qui pourra servir soit à faire de degrez pour descendre, & pour les faire, posez le cercle d'une pointe sur le point v, & estant ouvert si large comme on voudra faire des marches, icy iusques s, & puis tournant iusques t, de v.t. vn perpendiculaire, où que la ligne circulaire traverse en couppant la perpendiculaire, c'est le premier degre qui est trouvé hors du point t, & hors de ce point t. estant tirée du point de l'œil vne ligne iusques y, & le cercle posé sur le point z, & ouvert iusques x, (estant le quarré de v.s.) & tournant le cercle y, on l'enseigne avec la perpendiculaire z.y. la fermité de l'operation d'icelle, & icy du costé est encor faict vn demy rond pertuis transparent s'appuyant sur le fond, ayant l'operation du rondeau de dessus, où que toutes les lignes sont montrées des pointilllets marqué par A.

Description de la seiesme figure.

Comme il y a diverses façons pour mettre des colonnes en rang l'une apres l'autre en perspective; j'ay entrepris de mettre icy quelques vnes de rang, desquelles quelque Rechercheur pourra choisir telle que sera le mieux à son gré, parce qu'il les trouvera toutes également correctes & parfaites, & fort idoines à son service. Ceste façon se commence quand le fond est mis en perspective, icy marqué a.b.c.d. à l'advenant la hauteur & telle distance laquelle on choisira, & se demontrent par les diagonales marquez de e.f.g.h. lesquels diagonales estans tirez hors du point de la distance, vous monstrent la seconde & troiesme place pour y pouvoir poser lesdites colonnes, & si encor plus avant y regardant au dedans autant d'avantage qu'on en voudra avoir, on les pourra obtenir par les diagonales; car hors le quarré b. estant tiré vn diagonale hors le point de la distance, comme les diagonales f.e. vous monstrent, de l'autre costé sur la ligne de l'œil d.c. la 4^{me}. place, que si on voudra proceder plus avant iusques au dessous de la voulte ou de l'arc les points du quarré d.i.k.l estans tirez en hault en perpendiculaire, & icy marquez de n.o, & de o.n. tirez sur le point de l'œil, où que les perpend. s'ot entrecoupez, icy marquez par m.p. c'est là où qu'avez le regard inferieur reflexif du quarré de dessous le fond, lesquelles deux lignes de l'œil vous monstrent d'en hault par l'entrecouppement à travers des perpendiculaires le 2. & troiesme quarré, & pareillement à l'autre costé, Que si l'on voudra avoir par dessus cela encor deux quarrés regardans en hault, on posera sur le milieu de la ligne n.s. icy noté par q. vne pointe du cercle, & l'autre on ouvrira iusques n. & puis tournant iusques s, pareillement hors du point q. l'arc o.r. Mais pour faire l'arc v. il faudra qu'il vienne en perspective selon le point de l'œil, lequel se fait, la ligne m.t. estant tirée, & le cercle estant posé sur le milieu de la ligne x, & de m. tournant iusques t, vous y trouverez l'arc intericureur reflexif de veüe, & le semblable l'on verra avec les arcs suivans; la perpendiculaire depuis la base vers le hault, par dessus la ligne de l'œil, montre les centres, car la croisade des diagonales de chascq; costé, au dessus du point A, & sur les points des quarrés a.d, c'est au dessus de l'entrecouppement au travers des diagonales B, hors les quarrés r.o, le mesme de l'entrecouppement à travers de A, & de l'entrecouppement à travers des diagonales C, il y est marqué sur iceux la laistre B, & le perpendiculaire suffit pour prouver l'assurée fermeté de ceste operation.

Description de la dixseptiesme figure.

Dans laquelle se trouvera y avoir esté fait le fond de sept egales parties, sur le raccourcissement de la precedente troiesme figure, estant le fond quarré, & dans chascue coing ou angle dressé d'un quarré vn pilastre, chascue pilastre divisé en trois parties, les pilastres marquez par a.b.c.d, au pilastre a. sont les parties 1.2.3. comme aussi les autres assignez avec des pointilletz, les lignes borgnes qu'on ne peut voir, pour appercevoir le regard d'en hault & à l'opposite, marqué

marqué e.f.g.h. au dessus de ces liaisons deux arcs du devant & derriere regardés à travers, sur la ligne plus basse desquels de la liaison du devant, sur le poinct souz la laistre A. c'estant le milieu de C. D, le cercle estant posé & ouvert iusques à C. puis tournât iusques à D, il se faict l'arc E, pareillemēt hors du poinct A, le cercle ouvert iusques à I, on y faict l'arc F, & du poinct B, le cercle ouvert iusques à K, & puis tournant iusques à 5. l'on y faict l'arc G. & hors ledit poinct le cercle ouvert iusques à O, on y faict la ligne borgne du cercle H, comme il a esté enseigné en la seiesme figure, laquelle est demonstré pour y remarquer des pierres de l'arc (divisez icy en quinzaine) leur façon de regard à l'opposite, comme la ligne poinctillée de l'arc H. le monstre iusques au fond, les pilastres de b.d. montrent par lignes le milieu cōme l.n. vne ligne tirée, & de o.m. l'entrecouppement t. de dehors q.s.p.r. l'entrecouppement y. c'est le milieu au dedans, cōme les lignes de v.t. iusques au fonds x.y. le montrent; & pareillement en hault, de k.r. & de l.s. l'entrecouppement icy marqué par i, hors du poincte desquels estant tiré vn perpendicle iusques au poinct k, c'est le milieu demonstré sur le fond, ce qui est la preuve & feureté du poinct i. en hault.

Description de la dixhuietiesme figure.

Combien que ie mettray en evidence d'avantage des figures de la position des colonnes, si est-ce qu'il me semble que ces deux figures ne viendront point mal à propos d'estre mises entre icelles, à sçavoir la dixhuietiesme figure traictant des arcs du costé ou collateraux, cōme les deux precedentes ont monstre le renger des arcs du devant, & la dixneufiesme figure enseignant comment on pourra faire vne voulte croisée, touchant ceste dixhuietiesme figure, en icelle est mis & posé sur le fond vn rondeau en perspective suivant nostre precedete sixiesme figure, les parties sur la ligne base marquées par 1.2.3.4.5. on les mettra sur la premiere & devancée ligne, cōmençant de mesme soubs l'arc icy assigné par 1.2.3.4.5. & la ligne a.b. tirée, & depuis 5. iusques b. hors du poinct de l'œil, la muraille du costé y vient estre close, où qu'il fault que l'arc y entre, les lignes du rondeau sur le fond tirées hors les poincts c.d.e.f.g.h.i. perpendiculairement, contre la ligne b.5. & des poincts 1.2.3.4. sur le poinct de l'œil estans tirez, où que les perpendicles s'entrecouppent, illec se trouvera l'arc formé du costé, tirant du poinct i. iusques au poinct k, & ainsi plus avant iusques l.m.n. estant le centre de l'arc, & plus en avant de n. iusques aux poincts o.p.q.r.s. où que l'arc se ferme, l'arc transparant estant semblable au precedent se trouvera plus aisement, car hors des poincts de k,l,m,n,o,p,q,r, estant tirez des paralleles, & des poincts t,v,x,y,z, hors le poinct de l'œil, où que le surcouppement se faict, là void on le rang de cest arc, & à la pareille a esté faict sur l'autre costé, ayant la mesme moitie du rond, laisse en huit poincts, dans le fond, du costé cōme dessus, à l'encontre la concavité se trouve faict vn rond, ainsi comme se void illec en perspective, de cecy on pourra faire vn fond, ou quelque chose semblable comme a esté deduit en la precedente quinsiesme figure.

Descrip-

Description de la dixneuuesme figure.

S Vivant la dixhuietieme figure precedente, de la façon de faire des arcs, icy a esté fait sur icelle vne voulte croisée, en lieu dudit rond, & il est à noter (quand tout sera rangé & mis en ordre comme cy devant a esté démontré, à sçavoir le fond, le rond en perspective, & quatre arcs, deux droicts au devant, & à chaque costé vn arc) que les quatre poinçts A.B.C.D. sont quarrez l'un de l'autre, cōme cela se monstre hors du fond E.F.G.H. avec les perpendiculaires, si que les quatre arcs du contre de la voulte croisée sont également proches, & partant il fault que la voulte croisée soit trouvée hors les quatre arcs & d'iceux établie, l'on le pourroit mettre pour vne moytie, & l'autre moytie faire esgalement pareille; la voulte icy proposée se represente droict en front, toutefois (comme j'ay dit) cela consiste dans ces quatre arcs, donc pour trouver le croisement de la voulte, vous diviserez l'arc precedent en huit parties, comme sont divisez les arcs du costé, & tirez hors des poinçts sur le poinçt de l'œil les lignes marquées 1.2.3.4.5.6.7.8. de l'arc du frontispice, & du poinçt de la laistre l. iusques à 2. hors de l'arc du costé à l'encontre la ligne de l'œil 2. hors l'arc devancier, paralel avec l'orison icy O. & puis outre hors le poinçt K. iusques à la laistre 3. sur l'arc du costé, vn paralel comme cy devant iusques à la ligne 3. depuis l'arc frontal icy F, & de la laistre L. iusques à 4. hors l'arc du costé vn paralel contre la ligne 4. de l'arc frontal icy g, & ainsi plus avant de M. iusques à 5. hors duquel poinçt estant tiré vne paralel contre la ligne 5. de l'arc frontal, icy noté par h. où que il y a le centre de la voulte, & puis en avant hors du poinçt l. iusques à 6. sur l'arc du costé, & de 6. iusques à la ligne de l'arc frontal icy noté par i. & de 7. vne paralel contre la 7. de l'arc frontal noté icy par K, & puis en avant iusques à l. (comme a esté dit) & de A.o.f.g.h.i.k.l. les poinçts estans par ensemble tirez iusques à C. c'est l'arc de la voulte croisée, comme la ligne sur le fonds de E.o.f.g.h.i.k.G. le demonstre, & de mesme estans tirées les paralelles de 6. contre le m. & de 7. iusques à n. de 8. iusques à p; & puis en avant de h.m.n.p. iusques à 8. la ligne estant tirée, & de l'autre costé fait le mesme cōme cy dessus a esté dit, la voulte croisée sera ainsi fermée; & combien que plusieurs Maistres y ont mis diverses manieres pour entendre cecy, si est-ce que ie ne pense qu'une s'en pourra monstre ou trouver plus correcte, & aussi nulle où que la preuve se demonstrera plus ferme, car le poinçt o. sur le fonds par vne perpendiculaire tirée en hault, monstre le poinçt o. & puis du fond du poinçt f. vne perpendiculaire iusques au poinçt f. en hault, & ainsi consequemment chaque poinçt sur le fonds, le poinçt au dessus; Ceste instruction & doctrine de la façon de faire vne voulte croisée est tenue pour vne des plus fascheuses choses pour figurer ou exprimer nettement & nayvement en perspective, cecy estant bien entendu, on trouvera beaucoup des inventions des arcs, comme aussi des pertuis transparens, qu'on en pourra produire.

Description de la vingtiesme figure.

Retournant derechef sur la disposition & rang des Colomnes,
comme a esté dit cy dessus.

Dans

DAns laquelle il y a dressé & fait vn edifice d'un portail, ayant trois colonnes devant sur la base, & deux regardans au dedans, laissant entre chaque colonne trois quarrés, & chaque pedestal ou stilobati, environné vn quarré sur le fond, lequel fond est fait à l'advenant le raccourcissement de la troisieme figure, & si on auroit besoing de d'avantage des colonnes, on les pourra avec le prolonguement de la ligne de l'œil, & des diagones aisement mettre en avant, ou produire, ainsi que les poinctillets en ceste figure le demonstrent, les colonnes sont aisées à dresser ou eriger, ayant la ligne hors le quarré du point a. tirée iusques dessous b. laissant le colonne à chaque costé pareille largeur, & le stilobati ou pedestali se dresse hors les poincts du quarré, comme le demonstrent icy les cinq colonnes, l'Epistilion embas se raccourcissant du costé c.d. sur le poinct de l'œil; pareillement la couronne e.f. & le timpanum, pour autant que la cimatie de g.h. peult estre veüe, ayant bien entendu les figures precedentes & lignes en ceste, cela fera bien tost comprendre à quelque Amateur la chose mesme; l'aranger ou disposition de ces colonnes est fort bon & ferme, à cause du fond, dans laquelle ie pose la plus grande seureté; mais d'autant que par les diagones la chose se pourra trouver aisement, comme il a esté enseigné dans la precedente seiesme figure, par ainsi i'en mettray icy encor vn exemple comme s'en suit.

Description de la vingt & uniesme figure.

SVivant la figure precedente, il y a icy mis par rang en perspective, cinq pedestales sur le fond, marqué par a.b.c.d.e. les quadres desquelles se trouvent sur le fond, par le poinct de l'œil h. & les diagones k, ou qu'ils sont faits comme il a esté enseigné cy devant; ceste pedestale a. tiré en hault sur les poincts du quarré, comme aussi les autres, & du poinct i.l. tiré sur le poinct de l'œil, on y ferme les quarrés en hault, sur lesquelles pedestales il fault que la base & cima soient faites; car les pedestales ont icy la hauteur iusques au plinthe du bassement de la colonne; le centre du pedestal a. icy marqué m. par les diagones du poinct de distance illec vn perpendiculaire tirée iusques n. étant la hauteur de la colonne dessus, & par les diagones, & par la croisade des diagones, & hors le poinct de l'œil, le plinthe quarré étant faite, vous y aurez les quarrés dessus marquez par n.o.p.q.r. sous lesquelles les colonnes pourront aisement estre agencées, par les lignes du centre des quarrés du pedestale iusques en hault, lesquelles colonnes icy laissées, & étant dressées entierement sur l'autre costé, & avec des lignes en oultre du fond iusques aux pedestales dessous & dessus, come aussi en hault sont esté monstrees; ainsi servira ceste doctrine fort bien & gentilmente à cause de briefveté; Mais celui qui n'est point encor affermy en ceste science, ie luy conseilerois de se servir de l'enseignemēt precedent en la vingtiesme figure, combien que cela soit vn peu tirant à la longueur à cause de la façon de faire le fond, car en ceste-cy il y a tant seulement à choisir le poinct de l'œil, & la distance du premier quarré, où que la precedente faut estre faite le fonds entier avec des quarrés.

Descrip-

Description de la vingt & deuxiesme figure.

PVis que maintenant est enseigné l'ordre & rang des colonnes, comment qu'il les fauldra dresser en diverses manieres; i'ay trouvé expedient voire necessaire, de faire vn figure dans laquelle les arcs puissent paroistre d'un costé tant seulement, & d'en monstrier la façon de faire, comme aussi les colonnes l'une sur l'autre, & les ornemens, comme les pilastres, piramides, les colonnes transparentes, servant tout cecy à faire quelque beau palais.

Le fond estant faict comme il a esté enseigné cy dessus, les colonnes sont posées ou dressées des le fonds deux degrez ascendant, ou deux demarches de hauteur, ayans quatre colonnes aux costez, comme sur icelles encor quatre colonnes dessus, iusques aux deux moyennes colonnes; de ces quatre il y a vn ocfael faict de deux colonnes, au plus pres du poinct de l'œil, marqué par a.b. ledit ocfael, fayfant au dessus vne voulte croisée avec des arcs transparants; ces arcs se font avec le cercle, choisissant le premier arc, lequel faut estre mis au dessus l'encouronnement de la colonne icy f.g. & hors du poinct e. sur le poinct de l'œil i. sur laquelle ligne le cercle estât posé sur le centre de l'arc interieur l. avec vn pied, & ouvert iusques m. & puis tournant il se faict le second arc, de mesme depuis n. iusques o. le cercle estant ouvert, & depuis i. iusques p. on y faict les arcs transparants, esquels la voulte croisée se contient; & en ceste maniere on peut faire tous les arcs du devant costoyans, diminuant tousiours à l'advenant la veüe du poinct de l'œil, en ceste façon sont faicts les autres arcs costoyans, il est fort bien seant qu'on face quelques degrez montans dans vn palais, car il se releve bien, & vient fort proprement à la bien-seance; aussi l'erection des colonnes l'une sur l'autre est aussi bien aysez à faire, & à mon advis fort facile, laissant les lignes moyennes marquées icy s.t.v.x. sur lesquelles les colonnes se font, avec peu de recherche; car la ligne A. monstre des la cima du pedestale le reng du plinth de la colonne embas, estant la ligne A. tirée hors du poinct de l'œil, & de la ligne B. tiré hors le mesme poinct, monstre le decouppement de l'encouronnement de la colonne au dessus, & ainsi oultre plus depuis l'Architrabe, frise, iusques à la coronice, avec deux piramides de devant, comme vne gallerie transparente des colonnes, toutes assignées par des lignes, le contre aspect de la voulte, & l'espavement du dessus sappuyant sur les colonnes, dequoy il a esté traicté en la precedente treisiesme, dixhuietiesme, & dixneufiesme figures.

Description de la vingt & troisesme figure.

CAs advenant que l'on regardoit du Palais sur quelque beau aspect d'une muraille, comme cela fort bien pourroit advenir par le precedent Ocfael, ou hors d'une fenestre du palais, sur laquelle muraille l'on voudroit monstrier en peincture, ou figures taillées, quelques histoires par dessus les autres, & qu'on vouloit (pour la beauté) que les figures aussi bien celles qui seroient au dessus, comme celles qui sont jointes iouxte l'orison, toutes parrissent d'une mesme

mesme grandeur, car ce que ce tient plus esloigné de la veüe, nous semble plus petit, pource que nostre veüe court en circonference, ayât donc choisi le lieu d'où l'on voudra regarder sur l'ouvrage, y posant le centre, & tirant hors du mesme centre vne partie du cercle depuis l'orison en haut, & puis vous poserez sur le cercle quelques parties esgales comme vous les trouverez expedient, & titerez hors du centre les rayons par dessus les poincts du cercle marquez 1.2.3.4.5. &c. par où se trouveront les parties sur la muraille, & le cercle a.b. & sur la muraille a.c. semblera selon la veüe de ladite place de mesme grandeur, combien que celles pour aultant qu'elles vont courrir en hault vers la muraille, seront d'autant plus esloignées ou larges. Et en ceste maniere on pourra entendre la haulteur ou elevation, & plusieurs belles choses, comme des edifices de peliers on les pourra mesner par arithmetique; & cas advenant qu'on voudroit dechiffrer, & mettre sur le papier vn belle structure laquelle fut fort agreable à voir, il seroit besoing qu'on le fist par vne penulle debout, ou par vn pertuis en prendre la veüe à travers vn verre, sur la façon de ceste figure, tenant dressé la verre en perpendiculaire, & l'œil mirant sur vne penulle, se tenant ferme debout, le verre posé en triangle de la veüe, & tous les emolemens de ce qu'on en voudra avoir, marquez sur la verre, & à travers la penulle en prendre la veüe sur la verre, vous monstrera ladite orné sur la verre en petit, & cecy est vne façon fort bonne & ferme pour prendre la veüe de toutes choses, & est practiqué par les plus excellens Maistres ordinairement, c'est pourquoy ie l'ay laissé en arriere.

Description de la vingte-quatriesme figure.

Oltre plus s'il se rencontreroit ainsi que l'on voulist faire peindre en aucuns endroiets du pallais, quelques perspectives delectables, lesquelles on pourroit admirer pour quelque estrange façon, comme en peignant quelque face marmiteuse d'un fol, avec la marotte, & son chapperon de coleurs bisarres, il pourra paroistre vn paysage, où si l'on peindroit les entrailles d'un mouton, ce que paroistroit plus apres à vn dragon hideux, & plusieurs semblables fanfreluche, qu'on pourroit desirer d'avoir dans des palais, si en avons icy faict vne leçon ou regle quand au general, car de façon de ceste-cy, on en pourra tirer facilement les autres.

Le quarré a.b.c.d. estant faict, dans lequel se marque qu'on desire, icy vn chien livrier gisant, lequelestant faict sera divisé en quadres 1.2.3.4. quatre-fois quatre ce sont seize quarez, la ligne b.c. prolongée, ou bien estendue iusques o, & depuis a.d. iusques f, mettez en apres ces mesmes parties de 1.2.3.4. sur la ligne d.f. en esgales parts 5.6.7.8. & prolongez les lignes g.h.i. iusques à la ligne e.f. & marquez ou mettez en chascq; quadrangle, ce que dans le quarré a esté faict, si paroistra incontinct vne estrange chymere, & pour veoir cecy tout quant & quant comme le chien mentionnée, dressez vous avec la veüe de vostre œil la loing d'un triangle, tenât l'œil contre le papier, ou peinture, où que verrez le chien comme seant, & sur ceste façon pourrez faire plusieurs autres drolleries; le quarré de c.d.e.f. estant faict tout à l'entour avec vne incrustation, comme bien gardé & ouvert du devant, & vn ouvert de c.d. regardant vers e.f. ainsi il sera comme dans vn coffre,

où que les clostures sont ostées; ces choses sont delectables à voir, principalement pour ceux qui aiment les curiositez és peintures.

Description de la vingte-cinquiesme figure.

DAns laquelle est mise vne façon de degrez, pour y monstrier & descendre de quatre costez, comme les demarchez retirées sont aisement à produire hors des fonds de la troisieme figure, comme ayans les bouts des demarches egalemēt longs, & aussi hors ladite quinsiesme & vingte-deuxiesme figures se pourront faire, si ne pourra-on pourtant point si bien entendre ceste montée hors cecy; car ceste escalade ou montée pourra servir à quelque fontaine, & aussi pour y dresser dessus quelq; trophée ou pyramide, & diverses aultres choses, dont pour entendre tant mieux ceste montée, il y a icy representée la moytie de l'ignographie, lequel fond Geometrique est icy faict en Scenographie à l'advenant la hauteur desirée ou recherchée, & la distance comme cy devant en diverses figures s'enseigne, le premier degré, ou la montée, estant faicte comme on la desire, icy marqué a. b. & l'on demande avoir les degrez en apres de suite, tous de la mesme hauteur selon la perspective, si tirera-on vne ligne de la base iusques à l'orison, icy i. k. & la ligne l. b. prolongée iusques à la ligne susdite icy m. laissez puis apres du poinct m. hors le poinct de l'œil vne ligne contre la base icy n. & depuis n. iusques au poinct k. vne ligne, & des perpendicules tirez hors les poincts o. p. q. hors du fond comme la Scenographie vous demonstre, & depuis le poinct b. iusques au poinct de la distance tirée, la surtaille du perpendicule sur le poinct c. duquel la ligne c. t. prolongée contre la ligne n. k. icy s. & de s. hors du poinct de l'œil tiré contre la ligne i. k. icy v. & hors du poinct v. vne parallele avec c. s. icy d. c'est le second degré, & hors le poinct d, sur le poinct de la distance r, vous y trouverez la seconde Bardis, & ainsi de suite sur la mesme maniere avec des aultres, on y faict les degrez e. f. g. h. & en outre les poincts a. b. tirez sur le poinct de l'œil, & hors le poinct A. iusques au poinct de la distance z, la surtaille y tirée en dessus iusques x, on y void la transparente hauteur de la montée derriere, & cecy est vne operation fermée hors du fond, & fort propice à plusieurs aultres choses, le reste des lignes se demonstre clairement dans la figure.

Avant que ie vienne à la vingt & sixiesme figure, il faudra entendre (comme desia il y en a plusieurs belles observations en la science de Perspective) que ainsi comme le loerre se considere, sur lequel on prend le mire des poincts de la perspective, que dans le mesme les figures se representent de mesme, c'est à sçavoir, si en cas que la verre se tient perpendicule avec ce que l'on y void, toutes les lignes estans perpendiculaires demeurent perpendiculaires iusques au poinct de l'œil; mais si la verre se trouve paralel avec l'orison, comme asil d'eau, avec le fond tout plat; en ce cas là courent les perpendicules en vn poinct vers la visée de l'œil, & ce qui est rond, ou quarré sur le fond, se diminue ainsi peu à peu à l'advenant du poinct de l'œil; Mais ce qui est rond, demeure rond; & ce qui est quarré, demeure quarré; mais si l'on le voudroit voir à pair par le verre d'y r'accourcissant le fond ou bien s'estendant l'ouvrage, ou diminuant, comme on le pourra bien dresser, en tel cas il faudroit que la section, le tableau ou la verre se tienne
en biais,

en biais, ou panchant, par laquelle posture ou face biaise ou panchante, il se pourra veoir l'un & l'autre ensemble; Ceste invention a esté par aucuns agilee, de telle forte que l'on l'avoit estimé vn invention la plus solide, d'autant que d'aucuns elle a esté tenue fort secrette, & comme vn mystere, mesprisant d'autres bonnes esprits, qui sont acquitez de la simplicité de l'art. Il y en a d'autres qui mesprisent ceste invention, comme si les autres n'entendoyent point leur cas, q^ui ont voulu soustenir ce que dessus. Quant à moy, ie tiens que cela aura beaucoup meilleure grace, que l'on mette le tableau ou le verre en perpendiculaire, comme i'ay faict icy tout ce mien ouvrage, c'est le plus maniable & agreable, toutes-fois suivant la leçon du verre mis en biais ou en penchant. I'ay faict icy vn limaçon, comme il y en a plusieurs bonnes Maistres desquels les limaçons montent à la droicte; mais ie n'en ay point veu aucun de ceste façon, & quand on aura bien compris cestuy-cy, il ne s'y trouvera pas vn limaçon, lequel ceux qui s'y entendent, ne scauroyent imiter à faire; & afin que ie ne semble point de vouloir monst^rer quelque cas estrange, regardés dans le livre de perspective de *Vignola*, estans vn des plus experimentez de ceste science; cestuy a faict fol. 88. vn edifice en diminuant selon la haulteur en dessus, sur la mesme operation de ma figure proie^ttez du limaçon, & l'a aussi prouvé par vives raisons; partant qui ne peuvent comprendre cecy, que pour le moins ils se gardent de le mespriser.

Description de la vingte-sixiesme figure.

DAns laquelle se represente l'Ignographie d'un limaçon, ayant la circonférence en seize parties, & l'especheur de l'esguille au milieu, & le tout tiré contre la base, & mis en raccourcissement comme cy devant a esté dit, selon le point de l'œil a. & la point de la distance, ce que la ligne b. demonstre, ayant vn contre-punt au dessus, où que tout s'amoin^drit, comme les lignes A.B. C.D. demonstrent, courrants en hault, ensuivant la section considérée, tableau ou verre, sur lequel on le vouldra faire, l'aiguille dressée hors du fond, il fault necessairement aussi perdre au dessus sur le contre-point, & suivant cela il fault que tous les degrez, montées & parties, sur l'aiguille se trouvent leur diminution tout bellement, & se demonstrent, si l'on veult seurement y représenter ce que l'on desire, & pour trouver ces parties de la diminuation, il y en a icy vne ligne perpendiculaire sur le point marqué 13. sur laquelle ligne est marquée la haulteur du premier degré, sur l'esguille ou point, & cy en apres tout marqué de pareilles parties pour aultant qu'on en a de besoing des degrez, icy noté avec 1.2.3.4. &c. demonst^ré iusques à 17. parties, & puis apres vne ligne tirée hors du point 13. iusques au contre-point icy marqué d. & toutes les parties du perpendiculaire de 1.2.3.4. &c. contre la ligne d. tirées hors du point de l'œil, & puis apres sur la ligne moyenne de l'esguille attive avec paralleles, lesquelles vous demonst^reront lavraye diminution de toutes les parties sur l'esguille, comme le representent les lignes pointillées, ce qui estant faict, on y tire hors du fond toutes les parties des degrez venans contre l'esguille perpendiculaire tirée en dessus, & celles cy monstrent les seize parties s'entournans sur l'esguille,

comme la circonference du limaçon icy sur l'esguille notées avec 1.2.3.4.5. &c. Et la façon ou l'ouvrage de degrez peut on produire en diverses manieres; premierement tirant chaque poinct en hault hors du fond, vers le contre poinct au dessus, & les lignes des poincts allans vers le contre de l'esguille, puis apres estants prolongées à l'orison sur l'esguille, marqué hors du mesme poinct du devant, si montre le sur-taille le degre ou la montée, & ainsi en avant avec les aultres; la seconde façon est, en tirant vne ligne perpendiculaire hors du poinct de l'ignographie, sur laquelle estant mise la hauteur de degrez, icy demonstrez par e.f.g.h.i. k.l. &c. iusques t. & entre les deux lignes A.B. divisé les parties de degrez, sur le flanc hors du fond, où que tous les degrez se trouvent avec les paralleles vers l'esguille, & les quatre lignes de A.B.C.D. allans dessus vers le contrepoinct, comprennent le circuit ou le tour du limaçon. Que si l'on aymera mieux d'avoir ce limaçon allant ou montant droict, & la diminution selon la distance sur le poinct de l'œil, tirés les quatre lignes de A.B.C.D. du dessous hors leur fond perpendiculaire en hault, & l'esguille de mesme, & mettez les parties sur la ligne premiere, & faites comme a esté deduiet cy dessus, laissant en arriere les deux lignes d.e. si fera on tout perpendiculier, & sera plus aisé à faire, comme ceste figure icy mise, vous en donnera plus ample ouverture.

Description de la vingtesep tiesme figure.

EN suivant la figure precedente, i'ay mis icy vn limaçon tout façonné selon la doctrine susdite, faysant les deux tours entour l'esguille, & prenant la diminution vers le contre-poinct, que si l'on voudra faire encor plus de tours au limaçon, il faudra mettre sur la ligne cosloyante la repartition, & ainsi en avant sur l'esguille, & faire le mesme comme cy devant a esté deduiet; ces degrez ont du devant leur proiection, & la circonference comprend seize parties cōme a esté dit.

Description de la vingtehui tiesme figure.

AVant que ie me departe de ces montées, ou escalades, il m'a semblé bon de vous introduire icy vne montée, laquelle se pourra produire en quelq; beau palais, pour vne singuliere rarité, laquelle servira de deux costez en montant ou descendant, la Perspective n'en est poinct observée, à cause qu'on y monte droictement, & ie l'ay laissé ainsi, pour n'en obscurcir point la cognoissance, car elle est proprement rengé, ou mise en ortographie, allant ceste escalade l'imaçonée entour vne ronde colomne, de sorte que l'on peut devaler d'un costé & de l'autre monter, sans toucher l'un l'autre; ceste montée ainsi comme elle se represente icy, a esté faite en France à Sciambourg, dans vn palais lequel feict faire le Roy François, de laquelle furent Inventeurs ou Fabricateurs *Pierre del Borgio*, & *Ioan Cosin*, tous deux tres-excellens personnages, & Maistres tres-renommez; Je l'ay trouvé dans le livre des Perspectives, fait par *Iaques Barotuis de Vignole*, parce que ce livre est icy fort mal aisé à recouvrir; & d'autant que la figure y est

y est en taille de bois, & par ainsi m'a semblé bon de le mettre icy pour vous en servir en taille douce.

L'ignographie C. démontrera au mieux l'ouverture du circuit de l'entournement, si que chascue montée aura 24. degrez en rond, aussi bien l'une que l'autre, l'ascendant de toutes les deux se commence aupres A. & B. & les montées sont marquées par 1.2.3.4.5. &c. montrant l'entournement, lequel est pris en vingt-quatre parties, parce qu'il faut le faire monter en hault, pour y trouver les deux montées; car s'il venoit plus bas, il n'y auroit d'espace, d'autant qu'il faudroit faire les degrez trop haults, & l'on se doit bien asseurer que les Auteurs susdits ont bien pris garde sur ceste commodité, dans ceste colomne il y a des pertuis pour prendre l'air, & ayant tant d'enhault que d'embas, l'ascendant & le forme de monter comme les degrez depuis E. vers le dessus, & F.G. le montrent, & combien que la laistre A. est sur le nombre 7. comme marquant le premier degré, si faut y scavoir que depuis A. iusques à D. il y a 24. degrez, comme estant la laistre D. sur le nombre 7. comme dessus a esté dit; & afin que par ceste maniere l'on puisse considerer l'ignographie depuis 7.8.9. &c. iusques à 19. comme ascendant & montant, estant A. dans l'ascendant, & H. la moytie de la circonference contenant douze degrez, l'agencement & amplitude de ceste escalade l'imagée, n'a point obmis de mettre dans son livre ce dit tres-excellent Mathemacien *Vignola*, & de dire & nommer ceux qui l'ont faict & inventé devant luy, & par ainsi ie me confie qu'on m'en scaura aussi bon gré; car ceux qui s'en serviront le trouveront fort bien à propos, pour leur utilité & usage, & ceux qui n'en ont point de besoin ne leur fera du dommage.

Description de la vingte-neufiesme figure.

Comme cy devant i'ay monsté dans la vingt & sixiesme figure, le raccourcissement vers en hault, par la fabrique d'une limace, & ainsi represente ceste figure la disposition d'un edifice du regard interieur, ce que l'on regard d'enhault vers le bas, si faut il scavoir, que la section, ou le tableau, ou bien le verre transparant, se trouve icy paralelle ou à fil d'eau, ce qu'estant observé, demeurent tous les quadrez en quarrure sur le fond, soyent ils si loing de l'œil qu'ils pourront, & cecy considéré de mesme, la figure sera bien tost entendue, car au fonds elle a quinze quarrez de longueur, & dix en largeur, ce qu'est le fond au dedans les pilastres, marqué de a.b.c.d. le poinct de l'œil où que l'edifice se void de mesme e. chascue pilastre sur le fond se donne deux parties, hors desquelles au milieu des pillastres dressez hors du fond, se tire vne ligne allant vers enhault, sur laquelle ligne les pilliers d'embas, cōme celles sur le fond, du milieu, & au dessus se fond, se tenans les colomnes sur les pilastres inferieurs, & ayans tout quant & quat vn fond, selon l'ordre de celuy d'embas, cōme les lignes pointillées hors les poincts des quadres du fond marquez de h. & i. k. le montrent, venant au deuxiesme fond l.m.n. & si en apres tout à l'entour, comme encor plus hault vers le troisieme fond, sur lesquelles se tiennent de bout les pedestales sur la facon du deuxiesme fond, & là dessus vne liste s'estendant tout à l'entour comme au de-

vant,

vant, & trois pilastres entre les pedestales, sur le fond du milieu se monstrent les quarez, estans plus grands comme estans plus pres de l'œil, il y a beaucoup de speculations pour ceux qui s'adonnent à la recherche de cest art; car on y pourra trouver gentils tours de ceste maniere.

Description de la trentiesme figure.

EN laquelle se represente le fond geometrique du nouveau Iardinet de play-
sance, de ce tres-Illustre Prince d'Orange en la Haye, lequel à l'advenant de
sa grandeur, est si beau, & si bien ordonné, que ie pense qu'à peine on s'y en
trouvera d'autre pareil à cestuy-cy; la longueur est de quinze verges, & 4. piedz,
la largeur de huit verges & quatre pieds, marqué par a b.c.d. ayant sur les quatre
coings des pavillions marquez par o.p.q.r. comme encor quatre tourelles en
rond marquez par e.f.g.h. avec vn pavillon au milieu marqué i. ce qui est peint
au dedans avec des fueillages & pillastres, comme si l'on y regardoit à travers, on
y entre dans ce pavillon par l'ouverture des places rondes au Iardin, comme aussi
par les galeries rondes marquées par k.l. ensemble la galerie droicte m.n. lesquel-
les galeries sont faictes au dedans de palissades de chesne, rondes en hault, & tou-
tes peintes de verd, où que la verdure y est menée dessus, les galeries rondes sont
avec vn parc rond au milieu, divisé en quatre parties, chasque partie ornée d'une
conforme egalité des palmes, ayant dans chasque parc vne Fontaine, taillée fort
artificieusement de pierre ardoise & albastre, marqué par s. t. entour des galeries
sont posez des grandes pots de fleurs façonnez gentilment à l'imitation des anti-
quailles de bronze, & iceux ornez des belles fleurs, aulcunes avec des arbres oran-
geres, des figueirs, oliviers & lauriers &c. Ces allées larges, comme es galeries,
peult-on (par la mesure y joincte) fort aisement appercevoir en ceste description,
la mesure piedale contient en soy seize verges, chasque verge de douze piedz.
Ce fond Geometrique est mis icy en perspective, selon l'enseignement prece-
dent, par ainsi n'est plus besoing d'en faire vne description plus longue, estant
ceste scenographie marqué par c.d.e.f. comme la figure le vous monstre.

Description de la trente & uniesme figure.

EN laquelle se represente le mesme Iardin en l'Ortographie, afin que celuy
qui s'en delecte le puisse tant mieux entendre, y estant tout dressé & rengé
selon la mesure & l'ordre des poincts de la precedente susdite scenographie,
icy void-on la facon de ces grâdes & rondes galeries, comme aussi le beaux lam-
bris sur le coings, au milieu aussi le pavillon, & deux fontaines, avec les pots aux
fleurs, cōme aussi les parcs où que l'on entre par les galeries, fermées d'une haute
muraille de trois costez, estant hors ladite en la Court exterieure plantées des ar-
bres tilliots, pour ombrager & pirteger le Iardin contre les vents, & l'injure de
l'air, les galeries estant desia surcrevés des fueilles.

Icy est encor adjoinct la maison de plaifance, avec fa gallerie, laquelle gallerie contient dixsept piliers avec leurs pedestales arrengees en ordre dorique, contenant icelles seize arcs, dequoy les trois arcs comprennent la maison, & quatre arcs la cage des oyseaux tout de long, & neuf arcs sont en la gallerie, où qu'il y a dedans vne grotte, faicte fort artificieusement; Les chambres d'embas & celles d'enhault sont lambrissées avec grands frais, & beaucoup d'ouvrage, fort artificieusement, & toutes d'orées & ornées, de maniere que la maison, la gallerie & la Court tout par ensemble se monstrent en tres-belle ordre, & en toute maniere pour vn tres-excellent pourmenoir & belvedere d'un grand Prince; ce fondement icy premis & marqué par a. est la muraille de la Cour de residence de ce tres-Illustre Prince d'Orange; & b. c'est la fossé, laquelle gist entre ceste habitation ou maison de playsance & la Cour, & c. est l'allée pour y entrer par dedans en ledit Iardin de plaifance, & d. est vne porte se tenant debout contre la Court exterieure; l'orthographie se peult mieux entendre dans la figure que par la description se pourroit donner à cognoistre; on y peut aussi remarquer en partie, comment ces beaux pots à fleurs y sont rengez, aussi bien contre la parois de la Cour, ayant la parois du dessus & à l'entour sa couverture; les tantelets de pierre blanche, non seulement pour franchissement, mais aussi pour vn bel ornement, se representant ainsi d'un & d'autre costé, aussi bien par dedans que dehors la muraille, & encor par dedans sont esté plantés des buschiers de heye pour la revestir de verdure, le tout fort gay & joly à veoir.

Description de la trente & deuxiesme figure.

VEnant à cest heure aux pieces remuantes, ce qu'on peult bien donner le nom des meubles de mesnage; premierement se represente icy vn chaliect simple, avec deux chaires, & ce sur le fond de nostre precedente quatriesme figure, duquel fond ie me veux servir pour d'autant mieux faire entendre le faict, ce que touche la Chaire signé par A. comprend sur le fond a. b. c. d. desquels les poincts tirez sur les poincts de la distance f. g. & la hauteur de la Chaire faicte selon le desir i. n. & au dessus l. m. & les laistres i. k. sur le susdit poinct f. & depuis n. sur le mesme poinct, pareillement l. m. & depuis n. i. iusques g. & depuis k. g. ainsi se parfera la chaire au costé, vers la veüe de l'œil h; mais si on voudra faire la chaire plus tournée qu'elle n'aye nulle communication avec le fond, ce seroit besoing d'en faire l'ignographie ainsi comme on la desire, & mettre icelle en perspective, comme a esté enseigné cy devant; & cecy servira pour advertence de toutes pieces remuantes, la chaire B. a son r'acourcissement sur le poinct de l'œil, comme la largeur estant prinse sur le fond, les pedons perpendiculaires estans tiré en hault, il est facile à produire. Le liect marqué par C. se mettant les premiers piliers du devant à discretion de la largeur, icy signée sur la base a. b. & ceux cy dressez en perpendiculaire, & mis sur la place pour y mettre dessus le matelas ou la couche, icy marquez par c. d. e. f. & les lignes bornées o. p. tirées en hault, & les deux piliers q. r. à discretion en longueur sur la mesure de six piedz dressez en perpendiculaire, les lignes estans sur leurs poincts, estans tirez en hault sur le poinct de

de l'œil, & s.t.v.x. contre les deux piliers q.r. avec les poinçts desquels estans les lignes tirées parallele ensemble, le chevet du chaliçt se trouvera serré; & pareillement du dessus avec les listes y.z. le poinçt H. en hault faict le pavillon, comme ceant en derriere au bas, ce que ce faict sur le droit milieu du chaliçt, comme depuis i. iusques z. tirant vers a.b. la ligne marquée I. & cela iusques au poinçt H. & depuis H. tiré iusques au poinçt de l'œil, & le poinçt L. estant le second poinçt du pavillon, l'ayant ainsi trouvé, ce que se faict avec vn perpendiculaire comme les precedentes I.H. laissant en arriere les piliers vers le devât vne partie au fond, comme au devant de I.K. ainsi peult on serrer le chaliçt en hault. Combien qu'il y en a diverses manieres, pour monstrier semblables choses, si est-ce que ie tiens ces fonds pour les seures, afin de donner à entendre tant mieux les laistres enseignant; l'ay laissé les pilliers quarrez, afin de cognoistre tant mieux les lignes.

Description de la trente & troisieme figure.

EN laquelle sont mis & posez sur le fond de la precedente dixiesme figure, deux troncx quarrez, l'un gisant à travers sur l'autre; la façon d'y faire le fond a esté desia cy devant enseignée, le troncq inferieur marqué par a.b.c.d. & le tronc superieur est marqué sur le fond par e.f.g.h. le poinçt de l'œil i. & le poinçt de la distance k. les lignes des poinçts a.b.c.d. eslevées, comme on veult, icy m.n.o.p. & depuis m.o. & n.p. sur le poinçt de l'œil i. se forme le premier troncq, & hors des poinçts de e.f. tirez en hault perpendiculairement iusques s.t. & q.r. lesquels poinçts tirez sur le poinçt de distance k. & de ces poinçts vers le poinçt l. & des poinçts g.h. tirez en dessus où que les diagones couppent les perpendicules, c'est où le premier troncq se serre, comme la figure le monstre. Au milieu sur la mesme figure est mis vn banc & vn table, le bancq se tenant vers le poinçt de l'œil, ayant la largeur de g.h. lesquels poinçts tirés en dessus par les lignes perpendiculaire, à la discretion, icy dessus marquées avec pareilles laistres g.h. & depuis h. iusques i. estant la longueur & le brut du derriere du banc, cōme n'ayant nulle proieçture, mais bien sur le costé de g.h. & i.k. comme aussi la proieçture du pied du devant de g.k.

La table estant icy hors sa posture marquée sur le fond a.b.c.d. comprend six parties en largeur, & dix parties en longueur, la proieçture a sur le fond hors le pied de la table vne partie, le poinçt de l'œil e. & les poinçts des distances F. sur lesquels poinçts le fond est divisé en quarrez, & suivant cela la table est faicte, comme depuis a.b. iusques f. & depuis a.d. iusques f. & à l'autre costé, & derechef depuis b.c. & depuis d.c. iusques aux poinçts f. de l'un costé & l'autre du poinçt de l'œil, & ces quatre poinçts perpendiculairement tirez en hault, selon qu'on en veult avoir la haulteur de la table, icy marqué aussi de mesmes laistres, depuis a.b. comme cy devant, & depuis a.d. & derechef depuis d.c. iusques f. & de b.c. iusques f. est le quarré de la table serré, soubs laquelle on mettra le pied selon exgence du fond, si l'on veult que les quarrez des pieds sur le fond se monstrent sur la table, on tirera les poinçts depuis m.n.o.p. en perpendiculaire iusques au sommet de la table, & de ces poinçts tirez selon les poinçts de la distance, la chose

chose sera trouvée, & par ce moyen pourrez vous choisir sur la table hors du fond vne telle place comme desirerez, pour y mettre dessus tout ce qu'on voudra. Comme icy la table est encor vne-fois faict & ombragée, sur laquelle est mis vn Chandelier avec vn gobelet &c. ce que se pourra aysement comprendre par les lignes pointillées.

Description de la trente-quatriesme figure.

HOrs de l'enseignement de la precedente figure de dresser vne table sur le costé, l'on peult à plus prez entendre la presente figure comment il la fault faire, estant vn pressoir de linge, de laquelle la table ou plancher inferieur, comprend sur le fond neuf parties de largeur depuis a. b, & onze en longueur depuis a. c. estant la circonference a. b. c. d. plus avant avec ce qu'on la tire en dessus, & puis faict comme cy devant a esté enseigné, l'on y apporte les deux piliers sur le mesme mesure, & largeur du pied transparant, de ce mesme Pressoir, hors les poincts de la table estant les perpendiculaires tirez, les pylastres l. m. faicts & y agence dedans le pilier n. & depuis g. i. & h. k. vne trenchée de travers, ainsi on y trouvera le lieu pour y mettre la vis, tout avec des liniaments depuis le bas iusques en hault demonstrée, hors des poincts de costé de la veüe de l'œil marqué e. & vers le poinct de l'œil f. Ce pressoir a esté la largeur & longueur donnée vn peu plus grande qu'en est la coustume de faire; mais cecy est faict, pour y représenter & exprimer d'autant mieux la figure; aussi parlons nous des orisons, ou de poincts de distance, comme cy devant a esté faict, mais il s'entend d'une distance, consequemment d'un poinct; mais l'operation va avec deux poincts, estant esgalement esloignées du poinct de l'œil, plus speditivement & vistement, comme aussi plus seurement.

Description de la trente-cinquesme figure.

ICy a esté faict le fond comme cy devant, & comme il a esté descrit en la figure quatriesme, & sur le mesme quatre pilliers, tenans par ensemble au dessous le pied avec trois basemens, l'un dessous l'orison, les autres deux au dessus, sur la veüe du poinct de l'œil e, & les poincts de distance estans faicts f. cela r'essemble vn buffet non encore vestu des planches, duquel le fond, les pedines, les basemens, tout ensemble se pourront comprendre par les figures precedentes, moyenant l'enseignement des lignes pointelées, tant seulement fault-il apprendre, que les piliers montants quarrez, ou que les basemens y demeurent fermes au dedans, & aussi bien du devant, comme du costé, esgalement s'accordent avec les piliers, comme depuis a. b. c. d. ce qui est l'extremité des quatre pilliers, & de la croifade des poincts du costé f. iusques f. tirée, montrent les lignes l'incision des piliers, & la forme de la reflexion du pavé e. f. g. h. pareillement faict

D

dessous

deffoubs & deffus, devient à estre parfait. Icy il y a de l'autre costé du poinct de l'œil, faicte vne chaire, selon la precedente instruction, & ainsi qu'icelle est transposée, on mettra, pour trouver le milieu de l'appuy au derriere, ou au dos vne croifade de m.p. & o.n. moyenant laquelle, la ligne du milieu r. est trouvée, où que se trouvent les lignes de l'appuy; Ceste chaire est vn peu prinse trop grande sur le fond, mais c'est faict pour mieux entendre l'operation. Icy du costé est faict vne porte, ayant l'espaisseur d'une partie hors du fond, & par deffus la porte vn pertuis quarré transparant, avecque la poincte en hault, ayant quatre parties du fond de largeur & hauteur, car la porte comprend quatre parties, & il advient bien qu'on y met vne telle lumiere au deffus de la porte; le largeur de a.b. montrent les perpendiculaires lignes prolongées, & les parties de la base mises icy au costé marqué 1.2.3.4. & du poinct d.c. iusques au poinct de l'œil e. tirées deux lignes, & des poincts i. iusques m. & de l. iusques k. on y trouve le perpendiculaire g.h. ce qui est le milieu du quareau, tirant en apres de a.g. & g.b. oultre iusques h. & h.a. ainsi sera le quareau formé; le semblable faict avec les lignes extremes ou dernieres, il se parfait les parties, duquel estans tirées en hault hord du fonds, avec 1.2. encontre la muraille en hault; & sur le bord estant mises lesdites parties, tirée sur le poinct de l'œil, les deux parties & l'entrecouppement des perpendicules montrent droictement les quatre poincts desquels le pertuis se forme, marqué par a.b.c.d. & le transparant de dehors e.f.g.h. noté par des pointlets, ce qui estant entendue, on peut aysement trouver tous pertuis sur le plan des murailles; le pavé est icy faict selon la doctrine precedente; & quant à la fabrique de loing, nous en parlerons dans l'enseignement des payfages.

Description de la trente-sixiesme & trente-septiesme figure.

DEvant que de venir aux payfages, i'ay trouvé bon de mettre ceste figures avec leurs fonds, pour mieux entendre & comprendre la fabriq; & le subject; ces fonds estans mis en perspective, selon la mire du poinct de l'œil H. & le poinct de distance, ce que montre la ligne c. sont icy tirez hors de chascq; poinct du fond, le perpendicules, erigez au deffus de l'orison, serrez par les lignes de l'œil, comme a esté monsté dans le fond; ceste erection est bien necessaire d'estre entendue, car on y pourra bastir & faire là deffus des journalles, maisons, payillons, & semblables structures, comme il sera monstree en la figure suivante, elle viendra aussi à propos, prenant la ligne A. pour la base, alors on aura le fonds au deffoubs, & deffus pour les costez, de mesme la laistre B. estant prinse pour la base, par laquelle on pourra avec peu de peine faire des pertuis estranges transparans, poultrés quarez les vns au deffus les aultres, & les fonds maginée de A. ou B. vers l'œil vont aussi ferme, comme la base precedente; ceste speculative pourra exciter ceux qui cy delecteront, pour l'imiter & tousiours excogiter quelque nouvelle & estrange façon.

Description de la trente-huictiesme & trente-neufiesme figure.

Sur les fonds precedens i'ay icy mis des bastimens, avec des lignes obscures hors du fond, ayant la figure trente-huictiesme au milieu vne tour, & environnée avec quatre pavillons, marqué au fond avec 1.2.3.4. chascue poinct estant bien prins garde dans le fond, & les perpendicules erigez, & tirez sur le poinct de l'œil, les quatre pavillons se font; mais le tour, d'autant qu'il y a quatre flancs larges, & quatre estroicts, faict qu'il devient d'avoir huit flancs; partant hors le fond est tiré de flancs estroite iusques à l'orison icy marqué a; & à l'autre costé monstre la ligne b. l'autre poinct sur l'orison, hors desquels deux poincts fault que toutes les lignes des flancs estroicts soient tirées, aussi bien celles qui viennent d'embas, comme d'en hault l'orison; icy sont aussi des fenestres en hault, & par des linies demonstrees.

Comme ceste trente-huictiesme figure a esté faicte sur le fond de la precedente trente-sixiesme figure; ainsi ceste trente-neufiesme a esté faicte sur le fond de la trente-septiesme figure, sur lequel est mis vn pedestal, estant composé de quatre pedestales ensemble, tenant esgalement vne Piramide, laquelle se trouve erigée & affermie, hors le fond par le poinct o. estant le centre, illec tiré vn perpendicule au dessus, & hors les quatre poincts de la piramide sur le pedestal tirée en hault, laissant le perpendicule au milieu, & la piramide serrée en hault selon son exigence, il fault que le flanc vers l'œil soit coupé, comme icy est monstre par la ligne h.

Description de la quarantiesme figure.

I'Ay entrepris icy de traicter des Payssages; & premierement en ceste figure mis sur diverses facons & manieres des maisons, regardans aussi bien de costé comme du devant, consistant toutes ces fabricques leur r'accourissement sur le poinct de l'œil, posé sur l'orison, suivant la precedente doctrine; premierement la maysonnette marquée A. on la void en partie d'un costé, & le soinct du devant; les perpendicules e.f. font la forme de devant, iusques a.d. sur laquelle ligne on y portans la cappe dessus, la croisade de a.b. & d.c. monstre le milieu de la pierre du cantelet, & du soinct, & de a.i.d. le triangle de deux costez monstre la combination des pierres cantelaires, comme aussi les lignes hors du triangle monstrans le bout des cantelets. Icy est vn pont devant la porte, ayant vn arc plat, lequel arc se faict avec le cercle, posant le pied du cercle sur h. ouvrant iusques k. & le virant entour l, & de mesme l'arc q. posant le cercle sur n. l'ouvrant iusques o. & le tournant par p. on trouve facilement & nettement la iuste veüe embas contre le pont, selon la distance de l'orison. En cecy plusieurs commettent des fautes. La tour quarré B. ayant au costé du devant vn degré, ou escalade, pour venir vers l'eau, & des piliers collateraux, comme fenestres, projectures,

aussi la cheminée; tout cecy se faiet par le poinet de l'œil, comme est monstre par les lignes pointelées; la cappe au dessus est faiete aigue, montant iusques à vn poinet, lequel est faiet par son centre, y se trouve par l'entrecouppement de s.x. & v.t. hors lequel centre tirant vne ligne perpendiculaire, & de s. t. sur vn poinet contre la mesme ligne, & depuis x. sur le mesme poinet, où qu'il se serre, si l'on voudroit avoir vne cappe regardant droictement du devant, ayant au lieu d'un poinet deux poinets, si tirera-on de s. t. iusques z. vn triangle, & z. sur le poinet de l'œil; le triangle v. x. mis contre la ligne z. perpendiculaire avec le poinet, monstrera la veüe à l'encontre, selon que cela est posé hault ou bas; icy il y a vn facon d'enlevement d'un pont, la rondeur par pointelets marquée, monstre ce qu'elle prend soit en eslevant ou baissant; la maysonnette C. le fond avec deux appays des piliers, & vers le hault vne proiection, fenestres, &c. tout cela est faiet hors le poinet de l'oeil, ce qui est aysé à comprendre, qui tant seulement aura bien prins garde sur les figures precedentes. J'ay basti ceste dans l'eau, pour y monstre contre le bastiment vn fond plat, depuis le pont de l'oeil iusques au poinet de la distance D. & ce qui est mis & faiet dedans, à sçavoir la maysonnette E. tout cela est faiet sur la doctrine precedente. H, E, G, monstrent avec des lignes K, L, comme à travers d'embas.

Description de la quarante-vniesme figure.

EN laquelle sont mises sur le fond du devant deux figures avec vn arbre; Quant aux figures, elles viennent icy vers l'orison; & faut noter devant que de s'en servir, qu'on prenne bien garde où que l'on faiet des bastimens, qu'on ordonne les allées de brut en bout, que les figures y entrent, plustost trop grands que trop petits, & y fault mettre les arbres par discretion, car aulcune-fois les arbres tendres donnent grande haulteur & fueillage, si qu'à peine on y pourra tenir mesure, & si l'on voudra reprendre cecy comme si l'on faysoit tort à la nature, pourtant c'est le plus beau, qu'on face l'espeueur selon la proportion, de sorte que les tranches le fueillage s'y puissent tenir & porter, & selon qu'on est près ou loing, hault ou bas, que l'on considere la veüe en hault, ou contre la verdure des fueilles comme venans quelques branches vers la base, penchans en rond vers le Spectateur; en cecy ont excellé *Villem Tons*, & *Ioos de Licr*. En après les bastimens petits & de loing, ne faut qu'elles soient faietes à la volée, mais que tout se face tant esloignée qu'il soit, dessus ou dessous l'orison, il faut marquer avec listes, descendant d'enhault monstrent sur l'orison, ou d'embas montant vers l'orison, de devant iusques au bout de la veüe, comme se void icy, & de cecy on remarquera, que le Maistre aura bien entendu son faiet. En cest endroiect s'esgarent les Peintres des payssages bien souvent; car sans ces regles generales il est impossible qu'ils pourront poser dans vn payssage ce qui aura sa fermeté en la situation.

Description de la quarante-deuxiesme figure.

LEs deux precedentes figures enseignent, à poser toute sorte de bastiments dans quelque paysage, en grande ou petite forme, tout venant sur le poinct de l'œil, ce qui est la reigle ordinaire, & donnera du contentement assez, & les peintures estans ainsi observées, pourront bien passer; mais d'autant que les bastiments pour la plus part dans les paysages ne gisent point en parallele avec l'orison, mais sont tournez en biaix sur le costé, l'un de devant, l'autre de l'autre costé, & ainsi en avant; par ainsi il ne fault pas acquiescer en ces precedentes, & pour ceste raison i'ay faict icy trois figures, l'ignographie, la scenographie, & l'ortographie, la premier est vn fond geometrique, de quatre fondemens des habitations, marquez A.B.C.D. celles cy sont mises en perspective en la seconde figure, chasque fond estant marquées de semblables laistres, ayant ce fond geometrique mis en perspective, comme il a esté enseigné cy devant, on y bastist là dessus, en tirant chasque point hors du fond en hault, comme dans le fond A. les poincts a.b.c.d.e.f.g.h. le monstrent, ce qui estant faict, tirerez de g.f. vers l'orison icy i. sur lequel poinct de a.c. viendra la ligne s'estendre, & la ligne g.h.a. estendue vers l'orison, sur lequel poinct s'accorderont & parviendront les lignes de g.a.f.b. & d.c. sur lequel poinct de l'orison de g.a. faut que vienne & soit tirée ledit costé toutes ces lignes, iusques dessus le toict marquées de k. & de mesme g.f. toutes les lignes laterales sur le poinct i. aussi bien dessous l'orison que dessus, & l'habitude de B. avec la mesme operation, comme ayant le poinct sur l'orison vers le derriere, marqué de l. monstre avec deux lignes m.n. L'autre poinct allant vers l'orison, comme aussi l'habitude C. ayant le fond de n.o.p.q.r.s.t. montrant de n.p. vers l'orison sur le poinct s. de mesme o.q. & de r.t. & plus avant sur le mesme poinct à l'autre costé les lignes v.v. monstrent le second poinct sur l'orison; à l'autre costé & plus avant la maysonnette D. sur l'orison du poinct x. & le tout faict comme avec le domicile A. il a esté enseigné, cela se pose bien fermement pour toutes sortes de bastiments quelconques, n'estant le fond paralel avec la base ligne, comprenant deux poincts sur l'orison en leur situation, ou qu'autrement estans tirez sur le poinct de l'œil n'auroient besoing, que de ce poinct de l'œil. Ceste leçon doit estre en grande recommandation, principalement à tous ceux qui se voudront exercer és paysages, soit de les projetter ou peindre, qu'ils prennent bien garde à les deux lignes basses de chasque costé du bastiment, & tirée sur l'orison, que tous les autres lignes du mesme bastiment finissent sur lesdits poincts, comme on peult remarquer en ceste figure, ce que fera l'œuvre ferme, & donnera vn bien seance au l'ouvrage; & en cecy ie pense avoir satisfait quant aux paysages.

Description de la quarante-troisiesme figure.

POur la conclusion de ce mien ouvrage, est icy encor adioincte ceste derniere figure, dans laquelle se represente le fond Geometrique, demeurant en son entier, & toutefois y est adiouste la veüe à l'opposite, combien qu'icelle ne se peult veoir; ceste maniere icy se represente pour ceux ausquels il faut représenter quel-

quelques fonds, lesquels ne faut r'accourir pour raisons, & où la venue à l'opposé fault estre représentée; doncques pour représenter cecy avec vne maniere facile, sont icy marquées vne demy lune, avec la laistre A. vn triangle B. encor vn avec C. vn quarré D. & vn ouvrage corné E. ayans compris ceste-cy, on pourra représenter par le mesme operation tous aultres figures, par ainsi le triangle estant faict marqué a.b.c. avec vne ligne double, prenez avec le cercle de a.iusques f. & de b.e. & c.d. la longueur désirée de l'ortographie, ou haulteur d.e.f. le triangle fermé. Icy vous aurez l'ortographie désirée, la voulez vous ombrager, faictes comme vous monstrent les figures de A.B.C.D.E. Icy est encor adioustez vn rond, vn Oval, vn pentagone, comme vn Chasteau, avec quatre boulevards; encor vn avec trois boulevards, & au dessous encores quelques trenchées, & c'est tout la precedente doctrine ou instruction; mais d'autant que les parapets des fortifications, sont plus larges embas que en hault, il seroit bien besoing, qu'au lieu des perpendicules les lignes fussent tirées vn peu plus en biais, comme au rempart F. avec la ligne h.i. il est monstre; mais qui n'y va seurement, se tienne aux lignes droictes; & ainsi finissant pour ne de tenir plus longuement l'Amateur de la science. Je conclueray mon ouvrage, desirant que chascun s'y vueille soigneusement employer, afin de l'apprendre, d'aussi bonne affection, comme ie le vous transporte.

A Dieu.

ERRATA. Fol. 10. ligne 2. où il y a par i. iusques h, lisez par i, & depuis a. iusques k. sur l'orison, & depuis le point i. iusques h. En la mesme pag. ligne 4. au lieu de s'entrecoupe de la ligne, lisez s'entrecoupe la ligne. En la mesme pag. ligne 37. au lieu de cercle nuds, lisez cercle nœuds.

FIN.



Punctum.

Linea.

Paralella.

Superfities.

Perpendicularum.

Basis.

Piramidal
sive
Acutus.

Centrum.
Diameter.

Circumferentia.

Quadrangulus.

Quadratum.

Ovale.

Rombus.

Pentagonus.

Hexagonus.

Pedes talē.
Sive
Stilobatum.

Plinthus.

Scima.

Corona.

a. Caputellum

b. Triglyphos

c. gutte.

tenia

Cimatium.

Cincta.

Astragalus.

Architrave.

echinus.

Hypotracheum.

Cincta.

Columna.




Cima


Cincta



torus.



Plinthus.


Basis.

















































































23.




24.














horisontus.




































































C D



